

淨土叢書

38

普為贈借淨籍贊助編纂及損資  
助印預約讀誦受持展轉流通者

回向偈曰

願以此功德	消除宿現業
增長諸福慧	圓成勝善根
所有刀兵劫	水火及饑饉
疾病災難等	普願盡消滅
先亡皆超昇	現眷咸安樂
風雨常調順	人民悉康寧
國運永昌隆	世界普和平
法界諸含識	同證無上道

中華民國六十一年四月初版  
中華民國七十年七月再版  
西元二〇〇六年二月十五日三版

## 淨土叢書 全部精裝四十八冊

原編纂者 毛 惕 園 居 士

倡印處：(馬來西亞)新山阿彌陀佛蓮社

17, Jalan Permas 10/3, Bandar Baru Permas Jaya,

81750 Johor Bahru, Johor, Malaysia

電話：607-3875122 傳真：607-3867122  
手機：6019-7620272

承印處：福峰圖書光碟有限公司

台北市士林區永公路500巷48號

電話：〇二·二八六一九九〇五

本書願與世界各淨宗學會及念佛團體結緣

第三十八冊

目次

纂集部

(四)

角虎集

清珠集

淨土全書

決定生西日課

經驗良方(外科、婦科、兒科、雜方、救急方)

西方直指

清濟能輯

清治兆集

清俞行敏重輯

民國了一輯

明一念編





角虎集

## 選刻角虎集小序

如是我聞。一時佛在舍衛國祇樹給孤獨園。與大比丘僧千二百五十人俱。爾時世尊不待衆請。而自說阿彌陀經。乃至一心不亂。全經大要在此四字。如維摩經隨其心淨。卽佛土淨。亦爲此下註脚耳。迨至末後拈花。又道我四十九年未曾說着一字。時百萬人天叵測。惟金色頭陀在旁。破顏一笑。世尊乃云。吾有正法眼藏。涅槃妙心。付囑摩訶迦葉。引誘後代兒孫分門立戶。宗禪者則笑淨土爲著相。修淨者則譏禪宗爲豁空。於是馬鳴大士。愍諸羣執。未達圓宗。因造大乘起信論。分析三細六塵。旨歸唯心淨土。自法流震旦。東林則有遠公。仰宗經論。默契大乘。結集高賢。十八同修念佛三昧。社中諸友。俱得往生。東南淨土法門。遠公始也。及初祖西來。又云不立文字。直指人心。見性立地成佛。時諸義學沙門。莫不反目側視。止得可祖一人。言下承當。始明教外別傳之旨。六代而

至大鑑。南能北秀。頓漸分歧。賢首台慈。遞相各立。於是承明智覺禪師。紹彌陀願海。關普賢行門。糾集三宗。同歸一貫。極力主張唯心淨土。故有角虎之喻。世推承明乃東土第一流宗師。一言一行。孰敢思議者哉。自炎宗而至昭代。如天衣懷真。歇了楊無爲。天如則楚石琦。紫柏愍山。雪關天界。一一皆宗門鉅哲。又何曾有禪淨彼此之分者耶。是以濟能禪師。窺諸後學。信疑不決。遂蒐羅列代傑出宗師要語。則則旨歸淨土者。編集成書。號曰角虎。令宗禪者不敢輕淨土。修淨者無復貶禪。宗述而不作利益殊深。且自得此秘寶。二十年來。未曾釋手。實爲入道之助。夫言不妙。不名。至言理不圓。不稱。至理。今是編言眞理。直豈非昏衢慧炬。禪淨之指南也歟。本無法姪。一見此書。恨讀爲晚。卽捐衣鉢。鑿板流通。利益甚普。但此集原本殘缺。未具全文。因見今之禪侶。欣簡厭繁者多。於是不揣蒙昧。刪去繁枝。留其節要。俾一言之下。性地開明。半卷之中。義天朗耀。頓見自心之佛。不待花開。返

照常寂之光原。非別土。豈爲小補。實屬大緣。所冀見聞咸皆信受。遞相勸讀。展轉傳持。同報佛恩。用資凡品。庶不負著述之本懷。捐刻之雅意。云爾。八十老朽。心且盥手。敬題於海幢之重來結集軒。

角虎集目次

卷上

死心新禪師臨濟宗

慧海儀禪師

楚石琦禪師

商州張無盡居士

濟川馮居士

天界信禪師

天如則禪師

空谷隆禪師

天奇瑞禪師

古音棗禪師

天童悟禪師

徑山信禪師

鄧尉藏禪師

雲頂能禪師

眞歇了禪師曹洞宗

宏智覺禪師

萬松秀禪師

萬安恩禪師

大方遷禪師

大方通禪師

達觀可禪師

憨山清禪師

壽昌經禪師

永覺賢禪師

卷下

博山來禪師

雪關閣禪師

覺浪盛禪師

石雨方禪師

西遁祈居士

本覺真禪師雲門宗

天衣懷禪師

圓照本禪師

明教嵩禪師

法雲秀禪師

法雲通禪師

慈受深禪師

楊傑無爲居士

茫仲淹文公

永明壽禪師以下法眼宗馮仰宗

文喜無著禪師

白香山居易

文潞公彥博

王古侍郎

王龍舒日休

陳瓘侍制

錢象祖丞相

江公望司諫

廬山遠祖以下古尊宿

慧思禪師

智者大師

慈照宗主

僊潭感禪師

優曇宗主

楚峰善奇禪師

斷雲徹禪師

雲棲大師

荷葉道人

香光子

### 角虎集卷之上

古越雲頂山一壑沙門

濟能 纂輯

白雲峰溪隱門人

上喩 較閱

臨濟宗

隆興府黃龍死心悟新禪師

嗣黃龍祖  
心禪師

師韶川王氏子。生有紫肉。幕左肩。右袒如僧。仰黎壯年。出家。至黃龍。謁晦堂。堂豎拳。問曰。喚作拳頭。則觸不喚作拳頭。則背汝。喚作甚麼。師罔措。經二年。方領解。然尚于談辯。一日。堂遽曰。住住。說食。豈能飽人。師窘。乃曰。某到此。弓折箭盡。望和尚慈悲。指箇安樂處。堂曰。一塵飛而翳天。一芥墮而覆地。安樂處。政忌上座。許多骨董。直須死却。無量劫來。偷心。乃可耳。師趨

出他日聞知事。捶行者而迅雷。忽震。即大悟。趨見晦堂。忘納其履。即自譽曰。天下人總是參得底。禪某是。悟得底。堂笑曰。選佛得甲科。何可當也。因號死心。叟有乞末後句者。示偈曰。末後一句子。直須心路絕。六根門既空。萬法無生滅。於此徹其源。不須求解脫。平生愛罵人。只爲長快活。師常作勸修淨土語。有云。彌陀甚易念。淨土甚易生。參禪人最好念。念佛根機或鈍。恐今生未能大悟。且假彌陀願力。接引往生。又云。汝若念佛不生淨土。老僧當墮拔舌地獄。

東京慧海儀禪師嗣法雲果禪師

師上堂云。無相如來。示現身。破魔兵衆。絕纖塵。七星斜映。風生處。四海還歸。舊主人。諸仁者。大迦葉。靈山會上。見佛拈華。投機微笑。須菩提。聞佛說法。深解義趣。涕淚悲泣。且道。笑者是。哭者是不見道。萬派橫流。總向東。超然八面。自玲瓏。萬人膽破。沙場上一箭雙鵰。落碧空。有學人問曰。願生淨土。未審實有淨土否。師曰。經云。欲得淨土。當淨其心。隨其心淨。即佛土淨。



若心清淨所在之處皆爲淨土。譬如生國王。家決定紹王基業。發心向佛。道是生淨佛國。其心若不淨在所生處。皆是穢土。淨穢在心不在國土也。

海鹽州天寧楚石梵琦禪師

嗣徑山元叟端禪師

師四明人。俗姓朱氏。世居象山。母張氏。夢日墮懷而生。師在襁褓中。有神僧撫之曰。此兒佛日也。因小字曇曜。九歲依族祖晉翁洵師于湖之崇恩。薙染十六。受具。閱楞嚴。有省。參元叟於徑山。問如何是言發非聲。色前不物。叟遽曰。言發非聲。色前不物。速道。速道。師擬進語。叟振威一喝。師乃錯愕而退。已而應書大藏之選。至京師。崇天門一夕。聞樵樓上鼓聲。豁然大悟。述偈曰。崇天門外鼓騰騰。薰割虛空就地崩。拾得紅爐一片雪。却是黃河六月冰。後出世海鹽報國等。利遷郡之天寧。上堂。舉僧問。乾峰十方薄伽梵。一路涅槃門。未審路頭在甚麼處。峰以拄杖畫一畫。云在者裏。師曰。白雲萬里。僧舉前話。問雲門。門曰。扇子踈跳上三十三天。築着帝釋鼻。孔東海鯉魚打一棒。雨

似盆傾。師曰。白雲萬里。忽有人出來問。天寧與麼批判。還恁得。二大老意麼。向他道。白雲萬里。呵呵。囉囉。哩利。剎塵塵。知幾幾。十字街頭。石敢當。忽然吸。竭溟滄水。你輩茄子。瓠子。那裏。知得。拍禪牀。便起。師自幼知有西方。彌陀教法。清晨十念。求生淨土。未嘗一日少懈。及住天寧。築室西偏。專志於淨業。因號西齋。焉室中置一小牀。日跌坐。默觀大蓮華。出現其華莖葉。充滿法界。有一如來相。好端嚴。坐其上。眉間白毫。放出光明。其光所照。樓臺池沼。行樹欄楯。衆寶間錯。水鳥天樂。皆演苦空無我之法。見觀世音。大勢至。在其左右。清淨海衆。前後圍遶。皆得不退轉地。從定而起。返觀觀者。空空不可得。不可得。亦不可得。耳洪武初三。被召說法。皇情大悅。未幾於天界寺示寂。沐浴更衣。書偈曰。眞性圓明本無生。滅木馬夜鳴。西方日出。書畢。謂其屬。夢堂。薑公曰。師兄。我去矣。公曰。子去何之。曰。西方。公曰。西方有佛。東方無佛。耶。師厲聲一喝。泊然而化。師平生著懷淨土百韻詩七言律併諸

雜咏行世

我佛眞身不可量  
食時竝是天肴饍  
庭下碧流微吐韻  
十方一等莊嚴刹  
却聖金繩寶界遙  
黃鸞韻美春長在  
流水有聲隨岸轉  
野人自選歸來日  
未歸極樂尙闍浮  
殘夢頻驚蕉葉雨  
屈伸臂頃無多地  
二大士心憐老病  
遙指家鄉落日邊  
空中韻奏般般樂  
雜樹枝莖成百寶  
吾師有願當垂接

大人陪後有輝光  
行處無非聖道場  
殿前瑤草細吹香  
終說西方出異方  
樓臺一一倚雲霄  
玉樹枝榮歲不凋  
好花無數逐風飄  
何待諸賢折簡招  
漂泊風塵更幾秋  
故鄉只在藕花洲  
高占人羣最上頭  
何妨攜手入瓊樓  
一條歸路直如弦  
水上花開朶朶蓮  
羣居服食勝諸天  
不枉翹勤五十年

將參法會禮金仙  
紅肉髻光流不盡  
重重樹網垂平地  
諸佛界中希有事  
本性彌陀一句子  
須臾入海還飛上  
除却晝明并夜暗  
勸君歸去不歸去  
說著無常事事輕  
一心不退思安養  
淨洗念珠重換線  
妄緣盡逐空花落  
學佛先須學苦空  
直居十二因緣外  
湛碧無痕開鏡面  
男兒到此方奇特  
金作層樓玉作臺

漸逐香風出寶蓮  
紫金身相照無邊  
一一花臺接遠天  
了如明鏡現吾前  
金烏玉兔解提撕  
頃刻昇天又落西  
更無聖悟與凡迷  
愁殺春山蜀鳥啼  
饑餐渴飲懶經營  
萬善同修憶永明  
堅持佛號不停聲  
閒向風前月下行  
心期妄盡障消融  
橫截三千世界中  
純青絕點出蓮叢  
快樂逍遙物我同  
琉璃田地絕纖埃

惟心淨土無高下  
紅日初非天外沒  
衆生障重須存想  
莫將胎獄比花池  
却坐大花成佛子  
口餐法喜眞餚饌  
般若臺前定回日  
多言極樂向西尋  
空影入池皆碧玉  
事如夢幻雖非實  
八萬四千眞相好  
衣不傷蠶食不畊  
身心快樂無諸苦  
念念佛光從口發  
却嫌鞋襪霑泥滓  
娑婆苦海泛慈舟  
直指迷源須念佛

自性彌陀不去來  
白蓮只在意根栽  
想極情亡眼豁開  
早向池中占一枝  
何須慈母浴嬰兒  
心得明門妙總持  
令人長憶雁門師  
究竟不離清淨心  
日光穿樹盡黃金  
理到圓常却甚深  
請君危坐扣靈襟  
水邊林下好修行  
依正莊嚴在一生  
時時天樂遍空鳴  
千葉蓮華向足擎  
此岸能超彼岸不  
橫波徑度免隨流

千生萬劫常安泰  
縱使身沾下下品  
勞生能有幾光陰  
常恐浮雲蔽西日  
可憐世上愚癡輩  
寶樹亦能談妙法  
家在西頭白玉京  
每瞻雲際初三月  
密密疎疎琪樹影  
紅樓紫殿春長好

五趣三途盡罷休  
也勝豪貴王闔浮  
健只須與病又侵  
須管淨舍學東林  
不及花間智慧禽  
何妨坐聽罷參尋  
老來難遣故鄉情  
先注華間第一名  
來來往往水禽聲  
縱有丹青畫不成

獨庵禪師贊曰  
默坐西齋觀佛境  
馨香味觸常三昧  
蓮菴宗大師贊曰  
念佛三昧羣經所宣  
諸佛共讚諸大菩薩  
共修實禪  
門往哲之所留意也  
若永明之萬善同歸  
集慈覺之葦江集  
皆指淨業爲入道之至要  
可不信乎世之學

緣師實證面無慚  
多少禪流只解談

佛者乍聞卽空之說不能精究而泥於一轍則視修淨業者爲淺鄙而輒詆排之是排諸佛羣經諸祖也其無知亦甚矣西齋和尚禪門之上達也觀其自童幼至於著年孜孜以淨業爲務精修密鍊不舍晝夜發爲歌詩數千首皆三昧心中之所流出宗說兼暢教禪混融掃蕩建立變化萬殊未可以一轍觀也夫以西齋材識之淵博學者未易窺其涯涘其留心淨土有若此者然則念佛三昧其可忽與

又雲栖老人贊曰

本朝第一流宗師無尙于楚石矣築石室扁曰西齋有西齋淨土詩三卷今止錄十餘首以見大意彼自號禪人而淺視淨土者可以深長思也

丞相張商英居士嗣兜率悅禪師

公字天覺號無盡首謁東林總總詰所見與已符合因印可後謁兜率悅公與悅語至更深論及宗門事悅曰東林旣印可運使運使與佛祖言教有少疑否公曰有悅曰疑何等語公曰疑香嚴獨脚頌德山托

鉢話悅曰旣於此有疑其餘安得無耶祇如嚴頭言末後句是有耶是無耶公曰有悅大笑便歸方丈閉却門公一夜睡不穩至五更下牀觸翻湯器乃大徹猛省前話遂有頌曰鼓寂鐘沉托鉢回巖頭一拶語如雷果然祇得三年活莫是遭他受記來遂叩方丈門曰某已捉得賊來了悅曰賊在甚處公無語悅曰都運且去來日相見翌日公遂舉前頌悅乃謂曰參禪祇得命根不斷依話生解如是之說公已深悟然至極微細處使人不覺不知墮在區字乃作頌證之公嘗著發願文云自歎身居相位意樂空門思此世界五濁亂心衆惡雜性無正觀力無了因力本性彌陀惟心淨土不能悟達謹遵釋迦世尊金口之教崇念西方極樂世界阿彌陀佛求彼世尊大願大力加被攝受待報滿時往生極樂猶如願水乘舟不勞自力而到矣

給事馮楫濟川居士嗣龍門佛眼遠禪師

公自壯歲徧參後依佛眼一日同眼經行法堂偶童

子趨庭吟曰。萬象之中獨露身。眼拊公背曰。好。公於是契入。後會大慧禪師。就明慶開堂。舉藥山參石頭馬祖得悟。因緣拈罷。公隨至方丈。曰。適來和尚所舉底。因緣某理會得了。慧曰。你如何會。公曰。恁麼也不得。蘇嚕娑婆訶。不恁麼也不得。唵哩娑婆訶。恁麼不恁麼。總不得。蘇嚕娑婆訶。慧印之以偈曰。梵語唐言打成一塊。咄哉俗人得此三昧。公後知印州所至。宴晦無倦。自詠曰。公事之餘喜坐禪。少曾將脇到牀眠。雖然現出宰官相。長老之名四海傳。自此號不動居士。公少有俊聲。中太學魁選。作場屋文字。多用圓覺經語。明悟理性。欽伏士論。而又徧參禪林。深達五家宗旨。晚年篤信彌陀教法。晝夜不寐。專意淨業。作西方禮三卷。彌陀懺一集。在鄉郡建淨土會。感香爐中舍利。應現毫光。亘天管以俸資造大藏經。及四大部各四十八分。施諸山表。佛本願一日感懷。和淵明歸去來韻。譚淨土法門辭曰。

歸去來兮。蓮社已開。胡不歸念。吾年日就衰邁。況世

態之堪悲。想東林之遺蹟。有先賢之可追。越餘生之尚在。悔六十之前。非如新沐之彈冠。類浴罷而振衣。滌塵垢以趨潔。造妙道之離微。顧瞻前路。歸心若奔。入慈悲室。登解脫門。萬境俱寂。一真獨存。爐香滿柱。淨水盈樽。望西方以修觀。祈速親於慈顏。入念佛之三昧。覺身心之輕安。超九蓮之上品。閉六趣之幽關。會精神於正受。杜耳目之泛觀。俟此報之云盡。指極樂而徑還。循寶樹以經行。踐華園而盤桓。歸去來兮。唯淨土之可遊。念閻浮之濁惡。捨此土而何求。喜有壽之無量。曾何苦以貽憂。與上善人同會。友補處爲朋。儔池具七寶。黃金爲舟。地平布於瑠璃。無高下之坑丘。樂音起於風樹。佛聲發於水流。聞者咸念三寶。忻塵緣之自休。已矣乎人生如夢。能得幾時。胡爲名利之縈留。此一報看盡。將焉之浮世。皆幻境。樂土眞佳期。布蓮種於池內。長念佛以培耔。冀臨終時而佛迎。垂敘別而留詩。從此地地增進。決證菩提。何用疑。

居士悲智二嚴。法施靡倦。非乘願示現者。詎能如是。耶。後以給事中出師瀘南。率道俗作繫念會。及知印州。令後廳設高座。望闕肅拜。著僧衣登座。謝官吏。橫拄杖按膝而化。

天界字中懷信禪師。嗣法天童坦禪師。

師明之奉化姜氏子。往五臺披剃。參竺西坦禪師。西知是法器。厲色待之。不與交一言。師疑益熾。一日西上堂。舉與化打克賓話。問師曰。俊哉師子兒。西頷之後。隨侍天童。付師衣拂。遂主席焉。及遷住補陀天竺。永祚等寺。元末住大龍翔會明。太祖兵下金陵。寺僧散去。師獨趺坐。執兵者滿前。杖投而拜。帝嘗幸其寺。師說法要。嘉師言行純懿。特改龍翔爲大天界師。平生密修淨土。值中秋有修淨業者。求師開示。師說二偈云。紫翠漸看搖落盡。月明尤復愛中秋。好求慈父還鄉去。雁叫長空動客愁。終日毋忘一百八。彌陀念得口頭滑。念得心頭是口頭。自然生死和根拔。一日沐浴更衣。跌坐書偈曰。平生爲人戾契七十八。

年漏洩。今朝散手西行。萬里晴空片雪書。畢而逝。

蘇州獅子林天如。惟則禪師。嗣法中峰國師。客問曰。水明禪師云。

有禪無淨土。十人九蹉路。無禪有淨土。萬修萬人去。看他此等語言。主張淨土。無少寬容。無乃自屈其禪。而過讚淨土耶。此疑非小師。其爲我辯之。

師云。大哉問也。當知永明非過讚也。深有功於宗教者也。余嘗涉躐淨土諸書。稍知其概。本是易行易入之方。亦是難說難信之法。所以釋迦慈父。現在世時。爲諸弟子說彌陀經。預知末法衆生。少能信向。故引六方諸佛。出廣長舌。說誠實言。以起其信。以破其疑。及於經末。因諸佛所讚。乃復自言。當知我於五濁惡世。行此難事。爲一切世間說此難信之法。是爲甚難。此皆苦口丁寧。勸人信向矣。且大悲世尊。垂救末劫。凡金口所宣一偈一句。而人非人等。莫不信受奉行。獨於淨土之說。其間有疑者。何哉。良由淨土教門。至廣至大。淨土修法。至簡至易。以其廣大而簡易。故聞者不能不疑焉。所謂廣大者。一切機根攝收。都盡上。

至等覺位中。一生補處菩薩。亦生淨土。下至愚夫愚婦。與夫五逆十惡無知之徒。臨終但能念佛悔過。歸心淨土者。悉獲往生也。所謂簡易者。初無艱難勞苦之行。又無迷誤差別之緣。但持阿彌陀佛四字名號。由此得離娑婆。得生極樂。得不退轉。直至成佛而後已也。其廣大既如彼。其簡易又如此。則知永明之讚。深有意焉。而非過也。

問曰。佛祖出世爲度衆生大事。旣明當行佛教。隨類化身。今悟達之士。求生淨土。則厭苦趣樂。不顧他人。此非吾所願也。

師云。見卯而求時。夜何太早。計耶。汝將謂一悟之後。習漏永除。便得不退轉耶。更無徧學佛法。修行證果等事耶。便可上齊諸佛。入生入死不受障緣之所撓耶。審如是。則諸大菩薩。修六度萬行動經恒河沙數劫者。反有愧於汝矣。古云。聲聞尙有出胎之味。菩薩亦有隔陰之昏。況近時薄解淺悟而自救不了者乎。縱有悟處深遠。見地高明。行解相應。志在度人者。奈

何未登不退力。用未充居此濁惡化。此剛強此亦先聖之所未許。如以未完不固之舟。濟多人於惡海。自他俱溺。其理必然。故往生論云。欲遊戲地獄門者。必生彼土。得無生忍已。還入生死。救苦衆生。以此因緣。求生淨土。又先聖有云。未得不退轉位。不可混俗度生。未得無生法忍。要須常不離佛。譬如嬰兒常不離母。又如弱羽。只可傳枝。今此國中。四惡苦趣。因果牽纏。外道邪魔。是非扇亂。美色淫聲之相惑。惡緣穢觸之交侵。旣無現佛可依。又被境緣所撓。初心悟達之人。勤有不遺。其退敗者。所以世尊殷勤指歸極樂者。良有以也。蓋彼彌陀現在說法樂土。境緣種種清淨。倘依彼佛。忍力易成。高證佛階。親蒙授記。然後出化衆生。去來無礙也。以是之故。雖上根利器。猶願托生。沉汝中下之輩。初得發明者乎。豈不見觀佛三昧經。中文殊自敘宿因。謂得念佛三昧。當生淨土。世尊復記之曰。汝當往生極樂世界。又不見華嚴經中。普賢勸進善財童子。海會大衆。以十大願王。導歸極樂。又

不見入楞伽經中授記龍樹偈曰南天竺國中大名德比丘厥號爲龍樹能破有無宗世間中顯我無上大乘法得初歡喜地往生安樂國又不見起信論中馬鳴菩薩有求生之願無量壽論天親菩薩有願往之心又不見大寶積經中印許淨飯王及七萬釋種同生安養十六觀經中指示韋提夫人及五百侍女同觀彌陀且淨飯韋提等皆是現得無生法忍西竺似此之流不可得而勝數矣東土如廬山遠公合社高人天台賢首諸宗尊者自行化他曰僧曰俗同生淨土者又可得而勝數耶淨飯國王佛之父也七萬釋種佛之親屬也淨土之生倘無利益佛忍自誤其父與親屬乎向謂得無生法忍者可許混俗度生今其父王親屬既得此忍而尙記往生則如來護持保養之意豈不深且遠乎多見今之禪者不究如來之了義不知達磨之玄機空腹高心習爲狂妄見修淨土則笑之曰彼學愚夫愚婦之所爲何其鄙哉余嘗論其非鄙愚夫愚婦也乃鄙文殊普賢龍樹馬鳴等

也非特自迷正道自失善根自喪慧身自亡佛種且成謗法之業又招鄙聖之殃佛祖視爲可哀憐者於是永明和尙深憐而痛哀之剖出心肝主張淨土既以自修又以化世故其臨終預知時至乃有種種殊勝相現舍利鱗砌於身豈特永明爲然如死心新禪師真歇了禪師天衣懷禪師圓照本禪師慈受深禪師南嶽思禪師法照禪師淨靄禪師淨慈大通禪師天台懷玉禪師梁道珍禪師唐道綽禪師毗陵法真禪師姑蘇守訥禪師北磻簡禪師天目禮禪師諸大老等皆是禪門宗匠究其密修顯化發揚淨土之旨則不約而同豈特諸大老爲然余嘗聞一老宿言曰合五家之宗派盡天下之禪僧悟與未悟無有一人不歸淨土者因問其故乃曰如百丈大智海禪師是江西馬祖傳道之的子天下叢林依他建立從古至今無一人敢議其非天下清規依他舉行從始至末

問字續疑  
客八連文卯  
①等恐本  
②卯



無一事敢違其法。看他爲病僧念誦之規。云集衆同聲稱念南無阿彌陀佛。或百聲。或千聲。回向伏願云。諸緣未盡。早遂輕安。大命難逃。徑歸安養。又津送亡僧。大衆念誦回向伏願云。神超淨域。業謝塵勞。蓮開上品之華。佛授一生之記。至於茶毗之際。別無所爲。但令維那引聲高唱南無西方極樂世界大慈大悲阿彌陀佛。如是十唱。而大衆十和。總名之曰十念也。唱畢。復回向云。上來稱揚十念。資助往生。此非淨土之指歸乎。自百丈以來。凡所以津送亡僧者。依此法。然則所謂合五家之宗。派盡天下之禪僧。無有一人不歸淨土者。豈不然與。要知百丈祖師立法之意。亦豈無所據而然耶。汝既不會祖師之意。又自不發省覺之心。妄謂悟達之士。不願往生。則天下禪者之執。莫汝若矣。

問曰。同居淨土。其類甚多。今偏指極樂。而又偏讚其境勝緣勝。何耶。

師曰。經云。彼國衆生。無有衆苦。但受諸樂。故名極樂。

今以娑婆對而比之。此則血肉形軀。有生皆苦。彼則蓮華化生。無生苦也。此則時序代謝。衰老日侵。彼則寒暑不遷。無老苦也。此則四大難調。多生病患。彼則化體香潔。無病苦也。此則七十者稀。無常迅速。彼則壽命無量。無死苦也。此則親情愛戀。有愛必離。彼無父母妻子。無愛別離苦也。此則仇敵冤讐。有冤必會。彼則上善聚會。無冤憎會苦也。此則困苦饑寒。貪求不足。彼此衣食珍寶。受用現成。此或醜穢形骸。根多缺漏。彼則端嚴相貌。體有光明。此則輪轉生死。彼則永證無生。此有四趣之苦。彼無三惡之名。此則丘陵坑坎。荊棘爲林。土石諸山。穢惡充滿。彼則黃金爲地。寶樹參天。樓雉七珍。華敷四色。此則雙林已滅。龍華未來。彼則無量壽尊。現在說法。此則觀音勢至。徒仰虛名。彼則與二上人。親爲勝友。此則羣魔外道。惱亂正修。彼則佛化一統。魔外絕蹤。此則媚色妖嬌。迷惑行者。彼則正報清淨。實無女人。此則惡獸魑魅。交扇邪聲。彼則水鳥樹林。咸宣妙法。二土較量。境緣迥別。